

# kontuola

KONTUOLA, Idolaz elkarte, ANTZUOLA. **Kazetaria:** Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea.

Antzuolako hamabostekaria, 18 zenbakia. 1998ko ekainaren 5a.

## Zurrategiko kioskoa berriztuko dute

### Bi epetan egingo dira konponketa lanak

Udalak Zurrategi plazan dagoen musika kioskoa konpontzea erabaki du. Lehenengo fase batean segurtasun arazoak konpontzeko aldaketak egingo zaizkio. Geroago, berriz, aterpearen egitura aldatuko da, itxura oktagonala emanez.

**Z**urrategi plazan dagoen musika kioskoa berrizteko plana onartu zuen Udalak joan zen astean. Zurrategiko etxeak egin zirenean, etxeak egin zituen eraikuntza-entresak eraiki zuen kioskoa. Etxeak diseinatu zituen arkitekto bera izan zen kioskoaren planoak egin zituena. Orain, ordea, Udalak bere egitura aldatzea erabaki du, eta bi arrazoi nagusi daude horretarako. Batek kioskoaren itxura bera, eta bestetik, segurtasun arazoak. Valen Moñuxek azaldu digunez "kioskoa eraikuntza oso modernoa da eta jende askorentzat «hotta eta gogorra". Baina horrez gain, arrisku ugari sortzen ditu Zurrategiko kioskoak. Valenek adierazi digunez, "eraikuntzaren eskailerak gaizki diseinatu daude eta kioskoaren barrote horizontalak kontuan hartuta, umeentzat arriskutsua da".

#### Lana bi epetan

Zurrategiko kioskoa konpontzeko edo berrizteko lanak bi epetan burutuko ditu Udalak. Hasteko, kioskoaren segurtasun arazoak konponduko dira, eta horretarako, bueltan dauden jarlekuak, baranda eta eskailerak botako dira. Ondoren, eskailera berri bat egingo zaio plaza alderuntz, eta eskaileraren bi alboetara



Honela geldituko da Zurrategiko kioskoa konponketak egin ondoren.

jardinerak jarriko dira, apainketa modura. Eraikuntzaren «hoztasun» hori saihestu nahian, hormigoizko egitura harritz forratuko da eta baranda forjatutako burniz egingo da.

Aldaketa horiek egin eta gero, kioskoaren goiko alde aldatzeko lanak hasi-

ko dira. Valen Moñuxek diseinatutako kioskoak "estilo klasikoa errekuperatu nahi du", aterpe karratua izan ordez oktagonala izango da. Aterpe berria egurrezkoa izango da barrutik eta kanpotik kobrezkoa. Kioskoa inguratzen lorategiak ipiniko dituzte.

■ ■ ■  
*Zurrategi plazan dagoen kioskoak  
segurtasun arazoak sortu ditu*  
■ ■ ■

## Piropo eta irain lehiaketa

Idolazek "Piropo eta irain lehiaketa" antolatu du. Parte hartu nahi duten guztiek Gaztetxean, Larrea tabernan eta herriko eskolan ipini diren paneletan idatzi beharko dituzte piropoak edo irainak. Sariak San Pedroten, Kalebarrengo jaietan, banatuko dira. Sagar-dantzaren orduan, gaueko hamabietan, hain zuzen ere. Piropo onenaren eta irain onenaren egileek bi pertsonentzako afaria irabaziko dute. Lehieketaren oinarrietan jasotzen denez, piropo eta irainak euskara hutsean idatzita egon beharko dute. Epaimahaikoez piropo eta irainen orijinaltasuna eta grazia baloratuko dituzte. Idolaz ez da idatz daitezkeen astakerien erantzule egingo.

## Finalista eguna

Ekainaren 14an, eskolarteko finalista eguna ospatuko da Idiazabalen. Idiazabalera joateko ekainaren 8an, astelehenean, eman beharko da izena Arrolaren lokalean; haurrak, berriz, eskolan. David Fresno, Imanol Lizarralde, Julen Larrañaga, Hodei Aranguren, Luis Franco eta Auritz Guridi dira finalista antzuolarrak. Beste guztien artean, kanpin dendak, motxilak eta mendiko materiala zozketatuko dira.

## Udaran igerilekuetara

Uda 98 igeriketa kanpainan aritzeko izen ematea zabalik dago. 3-4 urteko haurrek 2.200 edo 2.700 PTA ordaindu beharko dituzte. 5 urtetik gorakoek, berriz, 1.700 PTA edo 2.200. Ikastaroak ekainaren 22tik uztailaren 3ra, uztailaren 6tik 17ra edo uztailaren 20tik 30era izango dira. Orduetara, berriz, 15:00etatik 16:00etara eta 18:00etatik 19:00etara. Izena emateko epea zabalik egongo da plazak bete arte. Informazio gehiago, udaletxean.



Antzuola eta Aiherrakoak kaskara jokoan joan den azarotik.

# Antzuolako olinpiadak

Aspaldiko partez, Antzuolako Olinpiadak jokatu dira berriz ere. Gazte-txeak, AKEak eta Sarriegi Taldiak antolatu dituzte eta zapatuan hasiko dira. Taldeka jokatu den txapelketa honek San Pedroak arte iraungo du.

Sei partaideko taldeak arituko dira zapatutik aurrera eta Kalebarrengo jaiak arte herriko olinpiadak jokatu. 14 urtera arteko eta 15 urtetik gorako bi mailatan banatu dituzte parte hartzaileak. Antolatzaileek adierazi digutenez, probak era guztietakoak izango dira. "Proba klasikoak eta bitxiak antolatu ditugu. Proba



klasikoen barruan 60 m-ko lasterketak eta oztopo lasterketak izango dira besteak beste. Proba bitxietan, berriz, kanika eta txapa jokoak eta bizikletarekin derra-perik luzeena egiteko jokoak antolatu ditugu, batzuk aipatzeagatik".

Olinpiadek Kalebarrengo jaietan izango dute azken txanpa. Antolatzaileek herri probak laga dituzte azken egunerako. Iaz Bergara, Antzuola eta Osintxuloak aritu ziren honelako jokoetan. Aurten, berriz, olinpiadetako parte hartzaileak izango dira txinga jokoan eta harri-jasotzen.

## Euskal presoak Euskal Herrira

Euskal Presoak Euskal Herrira Antzuolako plataformak aurkezpena egingo du. Orain dela sei bat hilabete bitzen hasi zen talde honek jadanik herriko 20 talderen babesa jaso du. Herriko Udala, elkarteak, alderdi politikoak, enpresetako komiteak eta kultura taldeak atxikitu dira Euskal Presoak Euskal Herrira Antzuolako plataformara. Hauexek

dira plataformaren aldarrikapen nagusiak: zigorraren hiru laurdenak beteta eta gaixotasun sendaezinak dituzten presoek askatasuna eskatzea eta sakabanaketa salatzea. Hau dena azaltzeko eta herrian ezagutzera emateko, plataformak ekainaren 12an, eguakitzan, aurkezpena egingo du herriko plazan arratsaldeko 20:00etan.



Bidea eginez

**Tailerra:** Uzarraga bidea 10. Tf. 943 78 71 78

**Erakusketa:** Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

## GOROSTI Taberna

☎ 943 76 62 96  
Zurrategi plaza ANTZUOLA

Egoitz Jauregi, AKEko kidea

# "Lewis eta Pedroso ditut gustoko"

Iaz, lesio garrantzitsu bat izan zuen Gipuzkoako txapelkun titulua lortu ondoren. Aurten laugarren izan da Euskal Herriko gazte mailako txapelketan, luzera jauzian. 5,89 m-ko jauzia egin zuen.

## Espero zenuen lortutako emaitza?

Kontutan izanda Gipuzkoa mailan ordiziar batek eta nik lortzen ditugula markarik onenak, zerbait lortzea espero nuen. Bera bigarren gelditu zen eta ni laugarren. Orain dela bi urte 3. gelditu nintzen eta Gipuzkoako txapelketan, bigarren. Orduan bai poztu nintzela! Orain ere ilusioa egin dit, baina orain horretara nindoan.

## Zein da zure errekorra?

6,14 metro, baina txapelketan 5,80 egin nuen.

## Noiz hasi zinen atletismoan?

Orain dela bost bat urte. Hasieran denetik egiten nuen. Gero poli-poliki espezilizatzen hasten zara gehien atsegin duzun kirolean. Orain, luzera jauziaz gain, jauzi hirukoitza eta 100 m-ko lasterketetan ere ibiltzen naiz. Hala ere, nahiago dut luzera jauzia, jauzi hirukoitza baino. Hirukoitza zailagoa da. Joan zen urtean egin nuen lehenengo aldiz, eta Gipuzkoako 5.a

izan nintzen. Hala ere, luzera jauzian hobetzea nahiko nuke, hori da eta atsegin dudana.

## Zein da zure gustuko janzilaria?

Carl Lewis eta Iban Pedroso ditut gustoko.

## Zenbat lagun ari zarete AKEan?

Hasi nintzenean 20 bat lagun genbiltzan, baina orain 6-7 bat. Oso gutxi... mutilak futbolera joaten dira eta neskak, ba... ez dakit. Horren jende gutxi egotea arriskutsua da taldearen etorkizunerako.



Egoitzek 5.80 metroko jauzia egin zuen Anoetan.

## Non entrenatzen duzue?

Antzuolan ez daukagu instalazio egokirik. Zumarragara edo Donostiara joaten gara. Korrika egiteko ere, Antzuolako pistak 300 m dauzka eta normalean 400 m edukitzen dituzte. Gainera, hain jende gutxi egonda, ezin da txapelketarik antolatu. Dirulaguntzak jasotzea ere zaila da horren jende gutxi egonda.

■ ■ ■  
*Hain jende gutxi egonda, ezin da txapelketarik antolatu eta dirulaguntzak ere txikiagoak dira...*  
■ ■ ■

## Olinpiadak antolatu dituzue herriko kirol taldeekin batera. Jendeak parte hartuko du?

Gure asmoa horixe da eta gero bateren batek atletismo taldean sartu nahi badu, fenomeno! Jendea behar dugu. Orain ezin dugu taldekako txapelketetan parte hartu, oso gutxi gabiltzalako. Gogo dut taldeka aritzeko.

## Zer esango zenieke gazteei atletismora animatzeko?

Txapelketa denetan esaten digute, Antzuolakoren bat baldin badago seguru zeozer irabazten dugula. Esaten dute maila ona daukugula... baina hemendik aurrera ez dakit zer pasatuko den. Jendea animatzen baldin bada talde polita osatu genezake. Umeak animatzea nahiko genuke, beste denak futboleko dabil-tza eta!

## ANTZUOLAKO UDALA



Antzuolako Udalak behinbehineko ADMINISTRARI LAGUNTZAILEA kontratatzeke deialdia egin du.

Izena emateko epea EKAINAREN 19an bukatuko da.

## ANTZUOLA

Apainketak eta isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Biltegia: 943 78 70 40

## LARREA

## TABERNA

Kalebarren 17  
ANTZUOLA

# Maximo Aristi

## Bareñonean zapatentzako larrua egiten

**1790. urtean hasi omen zen larrugintza industria Antzuolan. Lau lantegi ziren herrian eta garrantzi handia izan zuen lanbide honek garai batean. Hori dela eta, Antzuolako Udalak, Antzuola Herria bekaren 3. deialdian larrugintza ikertzea proposatu du. Bekak 500.000 PTako dirulaguntza aurreikusten du. Eskariak aurkezteko epea ekainaren 30ean amaituko da. Maximo Aristi larrugintzan aritu zen eta berak kontatu dizkigu larrugintzaren inguruko xehetasunak.**



### Zenbat urtez aritu zinen larrugintzan lanean?

1944an hasi eta 1966xan alde egin neban.

### Zenbat lantegi aritzen ziren larrugintzan?

Ni hasi nitzan 1944an eta Olan, Telleria, Galarza eta Arbulu anaiak eta Bareño anaiak zeren. Bareñok egiten zeban zapaten azpirakua eta gaiñerakua. Telleria, Olan eta Galarzarian guarnizionerixia (maletak, zaldixen silak, kartutxerak eta gerra denporetan...) egiten zeben.

### Nora saltzen zenuten larrua?

Leku askotara egiten zan. Madril, Alikante, Zaragoza, Logroño... Hango zapata fabriketara egiten zan larrua. Gerra ostian bijantiak etortzen zien material billa eta orduan Ondarren jende asko ibiltzen zan. Hango tabernia jatetxia zan eta lo egiteko lekua be bazeukan. Jende asko etortzen zan.

Zapaten azpikua kiloka saltzen zan eta gaiñekua "pies cuadrados" esaten jakon neurrira neurtzen zan. Esaten zeben 30 x 30 edo neurtzen zebala.

### Ze larru erabiltzen zen?

Ganauan narua ibiltzen zan. Zapata azpikua egiteko ganau haundixana izeten zan, sendua bihar izeten zan da. Gaiñekua be sendua izeten zan baiña makiña batekin erdibi egiten zan kome ni zan beste.

### Nola zen ofizioa?

Azala esaten jakona Zumarragara ekartzen zan trenian. Fabrikako errotara ekarri eta xehetu egiten zan. Gero potzutan ipiñi eta denpora asko bihar izeten zeban kurtitzeko. Etartzen zanian pasta bat egiten zan eta haura emoten jakon. Hurrengo egunian illia jun egiten jakon. Gero haragixa kendu, garbittu, neurrira ipiñi eta kurtiziñuan hasi. Ze kolore nahi ziñuan koloria emon bihar izeten zan; gero sikatu eta ixa sikatuta zeguanian makiñetan pasatu. Gero zihero sikatu eta makiñetan dana tiratzen zan. Sikatzen zanian tintia emoten jakon.


### Nola asmatzen zenuten kolorea?

Kolore igual iguala gaitza zan, norbera aprobe-

tan harutz aillegau bihar zan da. Naru zati bat hartu eta gutxi gora bera egin koloria eta «honek gorrixa bijok» eta gorri pixkat bota edo hori pixkatxo bat... Koloriak urakin egitten zian. Norberak egin bihar izeten zeban eta egitten zanian norberak apuntauta eukitzen zeban.

### Ze jantzi erabiltzen zenuten?

Narruzko amantal haundi bat, norberak egindako narruzko polaiñak eta txokoluak -egurrezkuak- ibiltzen giñutzen. Apreta ta guzti jazten zien txokoluak, dana ura izeten zan da.



Maximo Aristi Bareñonean aritu zen 22 urtez.

■ ■ ■  
 “Narruzko amantala, norberak egindako polainak eta txokoluak ibiltzen giñutzen”  
 ■ ■ ■

### igok eta Txomin

Pintura orokorrean.

Paper, tela, binilo, kortxoeko... estaldurak.

Gotelesa, iztukuak eta bestelako imitazioak.

ANTZUOLA

BERGARA

☎ 943 76 60 39 ☎ 943 76 19 98

### EGAÑA


Era guztietako arotz lanak

Tarima eta parketa jartzea  
 Zoruen kutxilatu eta barnizatuak

Kalegoi 21, ANTZUOLA Tf.: 943 76 64 23

### GAILUR

taberna eta  
 gozotegia



Buztinzuri 13 ANTZUOLA  
 Tf. 943 78 70 32